

مدرسة الصلاة على رسول الله ﷺ | " الدرس (20) بالمدينة " | #عمرة_التربية_6 | د . حازم شومان

حازم شومان

سلام عليكم. الحمد لله وكفى صلاة وسلاما على عباده الذين اصطفى. اللهم لك الحمد كله ولك ملكه كله وببيدك الخير كله واليك يرجع الامر كله. اللهم صل وسلم وزد وبارك على حبيبك محمد. صلى الله عليه وسلم في - [00:00:01](#)

الاولين والآخرين وفي كل وقت وحين اما بعد اخواني واحبابي في الله يعني موضوع انا عايز اتكلم فيه عشان كلنا نزداد شرف بالكلام فيه. باذن الله سبحانه وتعالى. آآ ولكن كل واحد مننا وصل لايه لحد دلوقتي ؟ يعني انت لحد دلوقتي صليت حوالي مية الف ركعة من ساعة ما جبتي - [00:00:21](#)

ما هو الركعة مضروبة في الف. شف بقى انت بقى لك يومين دلوقتي صليت كم ركعة فريضة وكم ركعة نافلة. انت بقى لك حوالي صليت حوالي مية الف ركعة. قلبك وصل لفين - [00:00:41](#)

مع الله سبحانه وتعالى. وصلت لفين ؟ يقينك وصل لفين ؟ حبك لرسول الله صلى الله عليه وسلم وصل لفين ؟ شغفك بالصلاة على رسول الله. صلى الله عليه وسلم وصلت لفين ؟ زدت ولا ما بتزدش ؟ ده بين السجدين بندعي اللهم اغفر لي وارحمني واهدني وارزقني وعافني ها واجبرني وارفعني - [00:00:51](#)

اجبرني انا ناقص انا ضعيف يا رب اجبرني. يعني وارفعني انا عايز اترقى بقى يا رب. انا عايز اترقى في اليقين واطرقي في الايمان. واطرقي في حبي لك وفي حب رسول الله. صلى الله عليه وسلم. واطرقي في الاستعمال في الدعوة اليك. انا عايز اترقى. احنا جايين عشان نترقى يا جماعة. جايين عشان - [00:01:11](#)

عشان ارفعني. قد ايه انت اترفعت بقى في علاقتك بالنبي عليه الصلاة والسلام في المكان اللي كل حاجة فيه. بتذكرك بالنبي عليه الصلاة والسلام قاعد ابص في المسجد النبوي كده من فوق من عند السقف فكاتبين العباس عمر علي عثمان آآ سعيد آآ كل اسماء الصحابة - [00:01:31](#)

علي كل هذا. قعدت افكر يعني يعني الواحد بقى له يومين قاعد افكر القصة اللي ورا هؤلاء الرجال. كل واحد من دول بقى عمرو بن العاص بقى دولة خالد بن الوليد بقى مؤسس امبراطورية الاسلام في الارض. النبي عليه الصلاة والسلام اخر يوم في حياته عليه الصلاة والسلام - [00:01:51](#)

في صلاة فجر يوم الاثنين اللي النبي عليه الصلاة والسلام مات بعدها بساعتين ثلاثة. عليه الصلاة والسلام لما كشف الستار وابو بكر يبصلي بالصحابة صلاة جماعة الواحد قاعد يتخيل المشانات دي جوة المسجد النبوي. قاعد يتخيل حجرة النبي عليه الصلاة والسلام وهو خارج منها ولقى ابو هريرة في موقف كزا وهو خارج منها - [00:02:11](#)

وهو خارج بينادي على اهل المدينة يصاحب له قيام الليل. تعيش مع النبي عليه الصلاة والسلام. في المكان الرهيب ده في هذا المكان الخطير فتفكر النبي عليه الصلاة والسلام بذل قد ايه مع هؤلاء الصحابة وهو يبص لهم كده اخر يوم في حياته. بل اخر ساعتين في حياته بيتبسم. بيتبسم دي الموقف - [00:02:31](#)

الموقف ده كلنا بنفكره يا جماعة. واي حد مننا بيدي كلمة في اي مكان يقول يا سلام بقى النبي تبسم عليه الصلاة والسلام. وهو يبص للصحابة يا ترى لو انت كنت - [00:02:51](#)

واقف ساعتها بتصلي كان النبي تبسم لما شافك ولا لآ؟ يا ترى بقى انت لما تيجي تموت وتبص على حصاد عمرك ما المجموعة اللي كانت واقفة دي الشلة اللي كانت واقفة دي المتين تلتيمت واحد اللي كانوا واقفين يصلوا الفجر دول. دول حصاد عمر النبي عليه الصلاة والسلام. [00:03:01](#) - دول

النبي قعد ثلاثة وعشرين سنة يصنعهم عليه الصلاة والسلام. انت بقى لما تيجي تبص على حصاد عمرك قبل ما تموت. يا ترى هتتبسم ولا هتزعج؟ يا ترى هتفرح انما الواحد فكر في حاجة تانية يا جماعة المرة دي ورا صناعة دول مجهود رهيب من النبي. عليه الصلاة والسلام. [00:03:21](#) - ثلاثة وعشرين سنة. قاعد افكر وانا بصلي

على النبي عليه الصلاة والسلام. باحب وانا باصلي على حبيب الله محمد عليه الصلاة والسلام. اني اقعد افكر المواقف اللي تزرع جوة قلب الواحد تعظيم النبي وحب النبي. بحيس ان [00:03:41](#)

الصلاة عليه عليه الصلاة والسلام تبقى ايه تبقى سجية جوة قلبك كده. تبقى سجية جوة قلبك يبقى قلبك مليان حب له. قاعد افكر من اول النبي عليه الصلاة والسلام مستشار ثم ثم زار ثم بنى الدار. لما بدأ الاول ازور مين؟ يعمل جولات تربوية يفوت على ده وعلى ده وعلى ده. طب ده اسلم وده [00:03:51](#)

اسلم بدأ يبني دار الارقم بقى وبدأ يقعد معهم في دار الارقام كل ليلة تخيلي كده جوزك سنة كاملة ما بيروحش البيت بالليل ليه؟ لان هو مجموعة سبعة تمانية بيربهم وبيقوم معهم الليل لحد الفجر كل يوم. تخيل انت كده سنة ما بتروحش بيتك. ده دي اول سنة بس في التربية [00:04:11](#)

بعد كده النبي عليه الصلاة والسلام وهو بياخد الصحابة للمقابر ويعلمهم يعني ايه تدبر في الموت. ياخدهم في جولات وهو نازل يدعو الى الله ويعرفهم يعني ايه دعوة الى الله؟ النبي عليه الصلاة والسلام لما بيبات ليلة كاملة في دار المغيرة ابن شعبة عشان يؤلف قلب المغيرة ابن شعبة بعد اسلامه. النبي عليه الصلاة والسلام [00:04:31](#)

وبيشارك الصحابة في الاعمال الاجتماعية. بيتغدى في بيت ده وبيتعشى في بيت ده وبيفطر في بيت ده وبيبيت ده عنده في البيت عليه الصلاة والسلام. مجهود جبار وهو بيننقل موهوبين من الصحابة [00:04:51](#)

ويبدأ يعلم ده الفقه. ويبقى اعلمهم بالحلال والحرام ويعلم ده المواريس. ويبقى افرادهم ويعلم ده القراءات. ويبقى اقراهم ويعلم ده. النبي عليه الصلاة والسلام سجد رهيب وده في نقطة واحدة بس. نقطة واحدة من جهد النبي عليه الصلاة والسلام في حياته. النبي تعب قد ايه يا جماعة؟ عليه الصلاة والسلام. النبي بزل مجهود قد ايه [00:05:05](#)

كفاية بس وهو بيصحى كده زي ما قال ابي بن كعب حديس صحيح مسلم اذا زهـب ربع الليل فقام نبي الله صلى الله عليه وسلم فنـادى قال بقى جاءت اذكروا الله. اذكروا الله. تخيل بقى الموقف ده وانت عايشه كده. والنبي عليه الصلاة والسلام خارج بالحجرة النبوية. وبينادي في [00:05:25](#)

المدينة المنورة بيصحى لقيام الليل. ده ما عداش غير ربع الليل يا رسول الله. تخيلت لو احنا بقى بنفوت على الغرف كده نصحي الناس لقيام الليل بعد انتهاء الدرس نص ساعة مسلا والناس بتقول ده انا لسة يا دوبك واخذ غفوة. ربع الليل والنبي عليه الصلاة والسلام بينادي. جاءت الراجفة. جاءت خلاص يوم القيامة على الابواب [00:05:45](#)

اتبعها الرادفة. جاء الموت بما فيه. جاء الموت بما فيه. دي الكلمة بقى ان شاء الله بازن الله اللي نعيش معها في مقابر البقيع الفجر اللي جاي او اللي بعده بازن الله سبحانه وتعالى جاء الموت بما فيه. هو الموت ده حدس. هو الموت ده لحظة ده الموت ده احداث ورا احداث [00:06:05](#)

احداث جاء الموت بما فيه. النبي عليه الصلاة والسلام بيصحى الصحابة لقيام الليل. هو اللي بيصحى المدينة المنورة لقيام الليل. فابي بن كعب قايم بقى يصلي ويبدأ فيقول للنبي عليه الصلاة والسلام يا رسول الله. موقف رهيب يا جماعة. اما تتخيلوا كده المسجد ما كانش في كل الاعداء دي. ولا فيه يا دوبك بس [00:06:25](#)

الحـتة بتاعة اهل الصوفة كده مجموعة عشرين ثلاثين واحد. واربعة خمسة يعني انا عايزك تتخيل المشهد. وابي ابن كعب بقى صاحي

لقيام الليل وكان بايت في المسجد او يصلي من ابعد العشاء في المسجد. بيقول له يا رسول الله عليه الصلاة والسلام اني اكثر من الصلاة عليك. فكم اجعل لك من صلاتي؟ انا - [00:06:45](#)

الله بصلي عليك كثير عليه الصلاة والسلام. بس انا لي ورد دعاء كل ليلة باقعد ساعة مسلا ادعي ربنا. اخلي لك قد ايه من الورد بتاع الدعاء ده بقى؟ يا رسول الله - [00:07:05](#)

فقال ما شئت. فقال اجعل لك الربع. يعني يبقى فيه ربع ساعة كل يوم صلاة عليك يا رسول الله. في قيام الليل. فقال ما شئت وان زدت فهو خير لك - [00:07:15](#)

قال اجعل لك نصف صلاتي؟ يا رسول الله طب اخلي لك بقى ايه؟ نص ساعة يوميا. صل عليك قال ما شئت وان زدت فهو خير لك. قال اجعل لك - [00:07:25](#)

ثلاثي صلاتي؟ قال ما شئت وان زدت فهو خير لك. قال اجعل لك كل صلاتي؟ طب يا رسول الله بقى اخلي حياتي كلها صلاة عليك ابقى مدمن للصلاة على حبيب الله محمد عليه الصلاة والسلام. قايم نايم وصلي عليك يا رسول الله. فقال اذا تكفى همك - [00:07:35](#) ويغفر لك ذنبك. مشاكل الدنيا والاخرة كلها تتحل وحوائجك كلها الله يقضيها لك. الصلاة على رسول الله صلى الله عليه وسلم مدرسة خطيرة اوي يا جماعة. مدرسة الصلاة على حبيب الله محمد. مدرسة الصلاة على النبي عليه الصلاة والسلام. من اكثر الافكار اللي ربنا جعل لها ثواب - [00:07:55](#)

ومن اكثر الافكار اللي ربنا يبحبها. ساعات الواحد يقعد يفكر كده. طب ليه؟ كان ممكن ربنا يحب سبحانه الله اكثر من اللهم صل على محمد. اللهم صل على محمد. انا باتكلم - [00:08:15](#)

سيدنا محمد وهو مخلوق سبحانه الله! يعني انا بعظم الخالق! طب ليه ربنا جعل للصلاة على النبي عليه الصلاة والسلام كل الثواب ده؟ التفسير في حديث عن النبي عليه الصلاة والسلام قال رسول الله صلى الله عليه وسلم صلوا علي فان صلاتكم علي زكاة لكم - [00:08:25](#)

هو انت جاي هنا ليه انت جاي ليه؟ انت جاي عايز تطهير لقلبك؟ عايز ترقية لايمانك؟ النبي عليه الصلاة والسلام بيقول لك الصلاة علي تطهير لقلبك وترقية لايمانك. اصل هو ده - [00:08:45](#)

قدوة. هو انت وانت بتصلي على النبي وتفكر سباته. وانت بتصلي عليه وتفكر زهده في الدنيا. كل ده لعب اطفال. الفنادق لعب لعب اطفال. القنطراوات كل ده لعب اطفال وما هذه الحياة الدنيا الا لهو وايه؟ لعب لعب. كل ده لعب اطفال. الابراج دي كلها لعب اطفال. العربيات دي كلها لعب اطفال - [00:08:57](#)

الموبايلات دي كلها لعب اطفال. الشركات دي كلها لعب اطفال. الذهب والارصدة والاسهم كل ده لعب اطفال. المفروض المؤمن بيص كل ده انه لعب عيال انما الجد اللي بحق وحقيقي هو الدار الاخرة. وان الدار الاخرة لهي الحيوان. هي الحيوان على وزن اللهبان. والفوران والغليان - [00:09:17](#)

دايما صيغة الفعلان بتيجي في الحاجات اللي الحركة فيها رهبة. يقول لك الماية بتغلي غليان. النار بتفور فوران. النار فيها لها بان حاجة. فقال لك يعني ايه الحيوان؟ قال لك يعني الحياة عظيمة الحركة. عظيمة الاحداث. عظيمة المتعة. يعني الحياة اللي انت عايشها - [00:09:39](#)

دي حياة هامة. حياة هامة اخرك يعني اما تروح تصيف تصيف فين ولا اما تروح تتفسح هتروح فين ولا هتعمل ايه؟ ولا اما تاكل اكلة حلوة انت متهايا لك انك عايش - [00:09:59](#)

انت ما انتاش عايش اصلا. امال الحياة الحقيقية وان الدار الاخرة ليهيها؟ الحيوان الحياة المليئة بالحركة والمليئة بالاحداث والمليئة بالسعادة والمليئة بالبهجة والمليئة بالاحداث المثيرة المبهجة المفرحة. فالدنيا لهو ولعب لعب اطفال - [00:10:09](#) النبي عليه الصلاة والسلام الصلاة عليه مدرسة عليه الصلاة والسلام. مدرسة عشان حاجات كثير اوي يا جماعة. عشان حاجات كثير ولكن في البداية هو انا لما باصلي على النبي عليه الصلاة والسلام انا باخد - [00:10:29](#)

انا عايز الاربع تيام بتوع المدينة دول ما نبطلش لحزة صلاة على رسول الله. صلى الله عليه وسلم. بس نصلي عليه واحنا بنفكر ازاى الصلاة عليه تبقى زكاة لنا؟ ازاى فعلا قلبك يتطهر بالصلاة عليه؟ ازاى فعلا الصلاة على النبي بتغير حياتك؟ الواحد ياما قرأ -

00:10:41

اتغيرها في حياته بعد خمس دقائق صلاة على النبي عليه الصلاة والسلام ياما قرارات خدها في حياته بعد جلسة صلاة على النبي عليه الصلاة والسلام. لان الصلاة على النبي فعلا فعلا بتنور لك الطريق. ما انت قاعد تصلي على النبي - 00:11:01
طب افكر ايه بقى؟ اصلي عليه ليه؟ عشان قلبه. عشان قلب النبي عليه الصلاة والسلام. اقعد افكر بقى قلب النبي. وهو جاي ينام كده. والسيدة عائشة يعني بيتكلم معه فيقول لها يا عائشة ان عيني تنام. انت بتشوفيني عينيها نايمة ولا ينام قلبي - 00:11:15
قلبي ده ما بينامش يعني ايه ولا ينام قلبي؟ فيه قلوب نايمة فيه قلوب في سبات عميق بل فيه قلوب في غيبوبة في غيبوبة محتاجة معجزة عشان تصحى. وفي قلوب لا تأخذها سنة ولا نوم الا ما شاء الله. سبحانه وتعالى فيه قلوب لان ربنا لا تأخذ سنة ولا

00:11:33 - نوم

فقلوب عايشة مع جلال الله. عايشة مع عظمة الله. قلوب لا تنام. قلوب اربعة وعشرين ساعة عايشة مع صورة زي الصورة اللي انتم شافينها دي بتاعة السما والبحر والشمس ترى الودقى يخرج من خلاله. ان اشعة الشمس اللي خارجة ما بين السحاب والنخلة صورة زي دي والمشاهد الطبيعية - 00:11:53

قلبه عيش ناصر. قلبه عايش مع لوحة الاسماء الحسنى. قلوب لا تنام. النبي عليه الصلاة والسلام بيقول للسيدة عائشة انا قلبي عايش مع جلال الله. انا بنام على الاحساس بجلاله وباصحى على الاحساس بجلاله. قلبي لا ينام. عليه الصلاة والسلام. طب ده النبي وهو جاي ينام. طب النبي وهو جاي يموت بقى - 00:12:13

عليه الصلاة والسلام. المدة دايمًا فيه جزع تتقفل عليك حفرة حاط تحت التراب وهتسيب الدنيا والموت يعني معك تسعة يعني يعني ما فيش حد بيموت تقريبا الا يعني. يعني حتى الانبياء لما جه ملك الموت لسيدنا موسى وكان سيدنا موسى يريد انه يفتح الارض المقدسة - 00:12:33

وقع عين ملك الموت. يعني عندك احلام ما انتاش عايز تموت الا اما تحققها. ما انتاش عايز الموت حاجة هو اكبر واخطر حدس في حياة اي انسان هو حدث الموت ده النبي عليه الصلاة والسلام عند الموت. وهو بيقول بل الرفيق الاعلى. بل الرفيق بيختار الله. الله الرفيق الاعلى سبحانه - 00:12:53

تعال او بيختار صحبة الفردوس الاعلى عليه الصلاة والسلام. بل الرفيق الاعلى انا ما خلاص بقى لا كرب على ابيك بعد اليوم. هو دي متع دي هو فيه حد مات كده - 00:13:13

ما فيش حد في الوجود كله مات كده يعني الصدق بيتفجر في مودة النبي عليه الصلاة والسلام. وهو بيموت بيفكر في ربنا. وهو بيموت بيقول الصلاة الصلاة وما ملكت ايمانكم ويحشرج عليه الصلاة والسلام. واحدة مرة بعثت لي على الماسنجر زمان يعني بتقول لي - 00:13:25

في صحت من النوم لقت والدتها بتحتضر. لقت والدتها بتحشرج. فجالها صدمة نفسية. من يعني من موقف انها صاحبة على يعني منظر الحشر النبي عليه الصلاة والسلام بقى اللي اغلى من الامهاتنا وابائنا والدنيا النبي عليه الصلاة والسلام وهو بيحشرج عليه الصلاة والسلام روحه بتجوب بتغرغر في - 00:13:47

وهو يقول الصلاة الصلاة. الاتصال بالخالق. وما ملكت ايمانكم بالرحمة بالمخلوق. النبي عليه الصلاة والسلام هو بيموت مشغول بالله. مشغول بالدعوة الى الله. مشغول بهداية الناس الى الله. النبي عليه الصلاة والسلام من المواقف الرهيبة. النبي ساعة الخطر -

00:14:07

تخلي كده انت نايمة بتفتحي عينيك لقيتي سكينه على رقبتك ولقيت واحد عايز يدبحك حرامي. نط من الشباك وخد سكينه او ساطور من المطبخ وانت نايمة كده بتفتحي عينيك لقيت السطور على رقبتك - 00:14:27

وبيقول لك بقى مين اللي يقدر يحميكي؟ تعملي ايه النبي عليه الصلاة والسلام بيفتح عينه كده وهو راجع من غزوة لقي واحد كافر والنبي نايم بعيد عن الصحابة عليه الصلاة والسلام ماسك سيف النبي اللي كان معلقه على فرع شجرة عليه الصلاة والسلام وخط السيف على رقبته وبيقول له من يمنك - [00:14:44](#)

فمني يا محمد. عارفين لما واحد يعدي من الفريق كله ويقوم جاي الجون داخل عليه يقوم معدي من الجون. وبعد كده ما ينفعش مش هيحط الكورة. امال ايه يقف بقى يبص للعبة وبيضحك كده والكورة على الايه قبل الجون برقع متر ولا حاجة. انا عايز حد يقرب بقى عشان اعمل اكشن وانا بجيها. اهو الراجل ده بقى لآ أنا مش هقتلك كده - [00:15:03](#)

المتعة دي يا محمد. عليه الصلاة والسلام. ده أنا هقتلك وأنا ايه! يعني بتشفى فيك. فالاول بس قل لي كده بقى مين اللي يقدر يحميك في اللحظة دي؟ متخيلين ان النبي - [00:15:23](#)

النبي صلى الله عليه وسلم في اللحظة دي يقول الله. الله! ايه ده يا جماعة! خايف من ايه خايف من ايه؟ ايه السقة الرهيبة دي! ده مش نبي اللي عنده اليقين ده هذا اليقين المزل ان ربنا لا يمكن يسيبه. ولا يتخلى عنه ايه السقة الرهيبة دي! السقة الرهيبة قال الله وقع السيف - [00:15:33](#)

ايد الراجل يعني النبي عليه الصلاة والسلام ساعة الخطر قلبه موصول بالله. ساعة الخطر الرهيب. وهو في الغار. والمشرकिन سيوفهم بقى خلاص باينة البواريك بتاع ابو بكر بيقول له يا رسول الله لو نظر احدهم تحت قدميه لرآنا احنا خلاص هنتقتل هنتقتل. فقال فقال النبي صلى الله عليه وسلم اسكت ابا بكر - [00:15:52](#)

اسكت انا ما اقدرش اسمع كلمة عن ربنا فيها شيء في السقة بالله. مهما كان الخطر. اسكت ابا بكر. ما ظنك باثنين الله اه وثالثهما. الله برضو كلمة الله هي اللي طلعت من قلبه ساعة الخطر. موقف تالت موقف موت. والنبي عليه الصلاة والسلام في غزوة احد والجيش - [00:16:13](#)

رد عن النبي عليه الصلاة والسلام وانتقال قتل محمد والصحابة جروا على المدينة وصحابة جروا الناحية الثانية من الجبل ورموا السيوف مستنبيين انهم يتأسروا وصحابة قتلوا موقف رهيب. والنبي عليه الصلاة والسلام - [00:16:33](#)

ييجي طلحة بن عبيد الله ينقز النبي الوحيد اللي واقف قدام النبي. بعد ما سبعة من الانصار اتقتلوا. الوحيد انتم متخيلين! يعني ده انت مش في خناقة وفي ثلاثين واحد - [00:16:48](#)

داخلين عليك بمطاوي. ده انت في معركة وما عادش انت منك للجيش الثاني لوحدا. والنبي عليه الصلاة والسلام وطلحة بيدافع عن النبي. فواحد ضرب ايدين طلحة سيف قطع صوابه. فسيدنا طلحة مش عايز يحس بالالم ما فيش وقت ان يحس بالالم. بيدافع عن النبي عليه الصلاة والسلام. فقال حس بيسكت الالم اللي في - [00:16:58](#)

اعصاب اليه. فقال حسد تخيل انت في اللحظة دي. النبي عليه الصلاة والسلام يقول لطلحة لو قلت بسم الله لرفع اتك الملائكة. انا مش قادر اتخيل هو فيه حد هنا يقدر يفكر في حاجة اصلا - [00:17:18](#)

ايه القلب ده! ايه القلب اللي في وسط المخاطر الرهيبة! كلام فكره كله في الله. لا يمكن ربنا يسيبني. لا يمكن ربنا يتخلى عني. لا يمكن ربنا يسيبني ابدأ في الازمة دي. ايه اليقين ده! ايه الثقة دي! انت بقى وانت بتصلي على النبي عليه الصلاة والسلام. وانت عندك حاجة خطر. وانت عندك اه - [00:17:34](#)

هتموت من القلق من مشكلة معينة خايف منها. ازمة معينة. عدو معين. وبتصلي بقى وبتفتكر المواقف دي. ها صلوا علي فان صلاتكم علي زكاة لكم. تلاقي نفسك زق فجأة بهدیت. واطمنت بربنا. وقمت الصلاة على النبي دي. معجزة. اصل - [00:17:54](#)

هو ربنا بيحبها ليه؟ لان ده بقى قدوة. ما فيش حد حقق مقامات ايمانية اعلى منه. ما فيش حد حقق سبات ويقين وصبر وجهد في الدعوة. اعلى منه فانت وانت بتصلي عليه وتفتكر مواقفه. انت بتعيش في المسل الاعلى البشري. للبشرية كلها فانت نفسك بتتطهر. انت نفسك طب ده ساعة الخوف ساعة - [00:18:14](#)

الحزن بقى ساعة الفقد بقى. ساعة الواحد لما ييفقد اعز الناس عليه. واحب الناس اليه في الدنيا. النبي عليه الصلاة والسلام قبل غزوة

احد شاف رؤية معناه انه لو خرج هيتهمز والصحابة هيتقتلوا. ولكن ده امن قومي. ده ده مشكلة خطر على الدولة الاسلامية كلها.

والنبي عليه الصلاة والسلام سن لنا - [00:18:34](#)

ان ساعة الخطر العام لازم يتاخذ رأي الاغلبية. يعني ما فيش حاجة اسمها الحاكم ياخذ قرار وبعد كده الشعب يرجع يقولوا له الحاكم

ده هو اللي ودانا في داهية. ساعة الحاجات اللي - [00:18:54](#)

متعلق بالامن القومي والدولة كلها مهددة يتاخذ رأي الاغلبية. يبقى الشعب كله يدفع التمن. لو القرار طلع غلط الشعب كله خده مع

بعضه. فالنبي خد رأي الاغلبية. رأي الاغلبية نخرج. النبي عليه الصلاة والسلام قال لهم انتم احرار. ولكن انا رأيت بقرا يذبح. بقر بقى

بعد ما اتسمن - [00:19:04](#)

وكبر زي ما النبي قعد بقى يكبر اصحابه ويرببهم وفي الاخر هيدبحوا. قدام عينيه عليه الصلاة والسلام. ورأيت في سيفي ثلما سيف

النبي عليه الصلاة والسلام حته اتكسرت منه. فهزته فعاد احسن ما كان. يعني مهما كان فيه ازمة حصلت لك في حياتك. جرب -

[00:19:24](#)

وحاول تاني هيرجع الوضع احسن من اللي كان. ما فيش خسائر مع ربنا. ده اللي النبي عليه الصلاة والسلام علمه لنا. فالصحابة صمموا

يخرجوا خلاص خرجوا الجبارة في صحيح البخاري. ورأيت بقرا يذبح والله خير - [00:19:44](#)

الكلمة دي الواحد يعيشها بقى وهو جاي مسلا من غير ولاده. او من غير زوجته او من غير اصحابه او من غير احبابه. الله خير. ربنا

احسن من الدنيا واللي فيها - [00:20:02](#)

اي حد هيروح من حياتك. وهيبجي مكانه ربنا انت الكسبان اي حاجة هتروح من حياتك. ومكانها هيبقى اتصال بالله انت الكسبانة.

الله خير. يعني حتى لو الصحابة راحوا. ربنا احسن من الصحابة - [00:20:12](#)

يعني كأن النبي عليه الصلاة والسلام بيقول لو كلكم رحتم ربنا احسن من الدنيا واللي فيها. والله خير. النبي عليه الصلاة والسلام قلبه

متعلق بالله ساعة الفقر وساعة الحزن النبي عليه الصلاة والسلام كتير مننا ساعات تسمع خبر صادم. كان نفسك تنجح في امتحان وما

نجحتش؟ كنت متوقع مسلا متوقعة لابنك مجموع مسلا السانوية العامة - [00:20:27](#)

ايا ما كان بقى اخبار ساعتها تتهزي. طب انا عبدت ربنا. طب انا النبي عليه الصلاة والسلام خارج من غزوة احد سبعين واحد مقتولين

وسبعين واحد متقطعين. والنبي عليه الصلاة والسلام قاعد فوق الجبل وابو سفيان واقف تحت والمشرकिन عايزين يكملوا على

الصحابة. النبي عليه الصلاة والسلام اول كلمة قالها لما طلع - [00:20:47](#)

على جبل احد للصحابة اصطفوا حتى اثني على ربي. اول حاجة الشهادة ما جتش الامتحان ما اتجش فيه الفلوس اللي كنا

بنتخانقها ما جتش القضية ما اتكسبتش اي خبر بقى مش ممكن الحياة كلها اخبار حلوة. يقينا ان الحياة فيها كده وفيها كده دي سنة

ربنا وتلك الايام - [00:21:07](#)

وتلك الايام مدولة ما فيش حاجة اسمها الدنيا كلها نصر على طول ولا هزيمة على طول ولا غنى على طول ولا فقر على طول ولا

صحة على طول ولا مرض على طول دي سنة الدنيا. كده كده - [00:21:28](#)

ما كانش حد يشتاق للجنة. فالنبي عليه الصلاة والسلام علمنا ان ساعة الصدمة بقى. اول كلمة اصطفوا اقفوا صفوف ليه؟ حتى اثني

على ربي عشان نقعد نحمد ربنا بقى. عشان نقعد نثني على الله. ان اللي احنا فيه ده - [00:21:38](#)

والشر ليس اليك. احنا السبب فيه. حبنا للدنيا هو السبب فيك. قصة كبيرة قوي يا جماعة. قلب النبي عليه الصلاة والسلام وانت قاعدة

كده بتصلي على النبي عليه الصلاة والسلام وقاعد تفتكر النبي عند الموت وقلبه منصور بالله. طب النبي عند النوم وهو بيقول لا ينام

قلبي. طب النبي عند الهزيمة - [00:21:55](#)

وهو بيقول حتى اثني على ربي. طب النبي ساعة الخوف وهو بيقول ما ظنك باثنين الله ثالثهما؟ او الله الله. الله يمنعي منك او لو

قلت بسم الله لرفعتك الملائكة. النبي ساعة الحزن وهو بيقول والله خير. النبي عليه الصلاة والسلام ساعة النصر في فتح مكة

ومكسور - [00:22:14](#)

لله سبحانه وتعالى قلب عايش مع ربنا. قلب لا ينفصل عن الله. قلب عايش مع جلال الله اربعة وعشرين ساعة الصلاة على النبي عليه الصلاة والسلام وانت بتصلي على النبي بقى قاعد تفكر المعاني دي - [00:22:34](#)

قاعد تفكر قاعد تفكر سبات النبي عليه الصلاة والسلام. وصبر النبي فتحت المصحف وقعدت اقرأ بقى كل الايات اللي ربنا بيتكلم فيها النبي كل الآيات اللي ربنا سبحانه وتعالى بيقول للنبي اصبر فصبروا على ما كذبوا واوزوا حتى اتاهم نصرنا. ولقد جاءك من نبأ المرسلين - [00:22:47](#)

ام يقولون شاعر نتربص به ريب المنون وان يكذبوك فقد كذبت رسل طول القرآن. ربنا بيصبر النبي انت متخيل يعني انت عايش في بلد كل البلد بتقول عليك كذاب كل الاعلام بيقول عليك ضالي. كل الشعراء قاعدين يشتموا فيك. انت متخيل انت كل الجهات اللي عندها قوة ومانعة - [00:23:11](#)

عايزة تقتلك او عايزة تأزيك او عايزة تهينك او عايزة تمد ايديها عليك. انت متخيل اللي كان خاطب بنتك اللي كان كاتب كتابه على بنتك اللي كان متجوز بنتك طلقها. حبايبك وقرايبك كلهم اتحاصروا في شعب بياكلوا ورق شجر بسببك. بسببك انت - [00:23:35](#)

كله مضطهد ومبتلى كل واحد بيسمع كلامك. او بيوقف معك المجتمع بيعمل له سوشيال ريجيكشن فورا. ويعزله اقتصاديا واجتماعيا ونفسيا انت متخيل يعني ايه انسان عايش في الواقع ده ؟ وانسان عايش في الجو ده - [00:23:55](#)

ثبات النبي عليه الصلاة والسلام. وصبر النبي قد ايه النبي صبر. عشان الدعوة دي تنجح. وعشان الدين ده يقوم في الارض. وانت بتصلي على النبي عليه الصلاة والسلام. قاعد تفكر سبات النبي عليه الصلاة والسلام. السبات الرهيب. وانت بتصلي على النبي عليه الصلاة والسلام. قاعد تفكر عبادة النبي عليه الصلاة والسلام - [00:24:11](#)

احد اصحاب النبي عليه الصلاة والسلام كان في غزوة مع النبي عليه الصلاة والسلام. فبيقول فلما صلى النبي العشاء عليه الصلاة والسلام وضع جنبه على الارض نام في مكانه. يعني هم في ارض في الصحراء في بلد من البلاد بيجاهدوا. النبي عليه الصلاة والسلام حتى ما عملش خيمة قام نايم مكانه كده اهو. نام على الارض - [00:24:31](#)

هو في الصحراء مكانه. فنام من كتر التعب مقتول. واحد من الفجر للعشاء ما ريحش لحظة. وجهاد وسيوف ومعارك وتخطيط وكر وفر مجهود ناري. فالنبي عليه الصلاة والسلام حط جنبه على الارض ونام - [00:24:50](#)

الصحابي بقى ما نمش قاعد يراقب النبي عليه الصلاة والسلام من اجل الفجر. فبيقول ثم قام. عليه الصلاة والسلام. ساعة وقام قايم. فصلى قدر منام النبي عليه الصلاة والسلام قعد يصلي بقى ايه وهو ما يموت من التعب - [00:25:06](#)

ثم نام شوية مش قادر فنام قدر ما قام. قام نايم ثاني ساعة. الصحابي كل ده وهو صاحي. يراقب النبي عليه الصلاة والسلام. سم قام المرة الثانية اهو ثاني مرة يصحى - [00:25:22](#)

يبقى نام مرتين وتاني مرة يصحى. ثم قام. فقام قدر ما نام. قعد يصلي ساعة وبعد كده مش قادر ثم نام فنام قدر ما قام. ايه ده! ثم قام. فصلى قدر ما نام ثم اذن الفجر - [00:25:36](#)

الليل ست مراحل. ثلاث مراحل نوم وثلاث مراحل صلاة. انا حاسس في الحديث ده بصراع. ما بين جسد مقتول وما بين قلب ملهوف على انه يوصل لربنا ما هو بيقول للسيدة عائشة ولا ينام قلبي ولا ينام قلبي من جلال الله. ولا ينام قلبي من اتصال قلبي بالقرآن. واحد قلبه كده مليون خواتيم البقرة واية الكرسي - [00:25:53](#)

وعايش مع خواتيم الحشر والاسماء الحسنى اللي فيها. وعایش مع طوفان الكلام عن الله في سورة الانعام. وسورة الرعد. وسورة فاطر. وعایش مع الكلام المزهل عن قدرة الله في سورة ياسين وعایش مع مقامات الانبياء المذهلة في سورة الصافات والانبياء وصاد والشعراء والاعراف هينام ازاي - [00:26:19](#)

هينام ازاي ؟ قلب عايش مع القرآن هينام ازاي ولا ينام قلبي. فالنبي عليه الصلاة والسلام صراع ما بين قلبه وما بين جسده. عليه الصلاة والسلام صراع رهيب النبي عليه الصلاة والسلام كان يصلي نصف الليل كل ليلة. وهو ده السر في كل اللي انا باقوله ده. كل المذهلات بتاعة صفات النبي واخلاق النبي عليه الصلاة - [00:26:39](#)

سلام. كلها بسبب نص الليل ان النبي كان كل ليلة اربع ساعات او ثلاث اربع خمس ساعات بيعرض قلبه للقرآن لو حافظنا على قيام الليل عزيمتنا هتتغير. حياتنا هتتغير. رزقنا هيتغير. تيسير امورنا هيتغير. نجحنا في - [00:27:01](#)

يا ابني هيتغير. سدادنا في اختياراتنا هيتغير. كل حاجة في حياتنا هتتغير. لو احنا حافظنا فعلا على قيام الليل النبي عليه الصلاة والسلام عليه الصلاة والسلام عليه الصلاة والسلام كان يصوم حتى يقال لا يفطر - [00:27:22](#)

يعني يقعد مسلا اسبوعين ثلاثة كده قاعد صايم لحد ما يقولوا ايه خلاص بقى انما يفضل صايم مدى حياته. عليه الصلاة والسلام حياء جهاد يا جماعة. جهاد في العبادة وانت قاعدة بقى تصلي على - [00:27:36](#)

النبي عليه الصلاة والسلام وانت قاعد تصلي عليه قاعد تفتكر كل ده. قاعد تفتكر زهد النبي عليه الصلاة والسلام. دي المعركة الاولى زود النبي وما هذه الحياة الدنيا الا لعب - [00:27:46](#)

وله. لعب لعب عيال اللي يفهم سيرة النبي عليه الصلاة والسلام يبص للدنيا وعربياتها وموبيلاتها وشهاداتها وفنادقها السبع نجوم وقصور ملوكها واموال بنوكها والاراضي والعقارات والابراج والشقق والفلل والقصور اغنيا والمليارديرات والامراء والجميلات يبص لكل ده انه لعب عيال - [00:27:57](#)

كل ده لعب ليس اكثر من ان هو لاعب. الحقيقة هي في الجنة عند الله. سبحانه وتعالى. النبي عليه الصلاة والسلام كما تقول السيدة عائشة رضي الله عنها وارضاهها. كان - [00:28:28](#)

مر الهلال تلو الهلال لا يوقد في بيته نار ليوقد في بيته نار يعني ما فيش حتى عايش. ما هو العيش عايز نار لا يوقد في بيته نار يعني تمر وماية - [00:28:39](#)

تخيل كده انت بقى لك يومين في العمرة عايش على التمر والماية. هنيجي نقول لك تعالى قم للقوم ليل مين يا ابني انا عايز حد ينقلني المستشفى. النبي عليه الصلاة والسلام عايش على التمر والماية - [00:28:52](#)

اورين كابلين عليه الصلاة والسلام ما رأى رسول الله صلى الله عليه وسلم او ما اكل رسول الله صلى الله عليه وسلم من شاة صميت يعني خروف مشوي عمره ما داق خروف مشوي. عليه الصلاة والسلام. ولا خبزا مرققا. ولا العيش الرقيق ده ولا حتى خبز الشعير. النبي عليه الصلاة والسلام كانت حياته صعبة جدا - [00:29:02](#)

لما دخل عليه عمر ابن الخطاب وهو في المشروبة بعد ما الم النسائي فوجد الحصير عامل خطوط في جنبه. يعني النبي نايم على الحصير ده انت لو نمت على الارض في المسجد النبوي - [00:29:22](#)

قل لي انت على الارض واتهدلت بس عشان اعبد ربنا. النبي عليه الصلاة والسلام نام على الحصير. عليه الصلاة والسلام. وسيدنا عمر يقول له يا رسول الله كسرى وقيصر ينامون على - [00:29:32](#)

حرير وانت في هذا يا رسول الله كان متوقع بقى واحد تاني مكان النبي عليه الصلاة والسلام يا عمر معلش يا عمر احنا لازم نصبرها النبي عليه الصلاة والسلام وشه حمار - [00:29:42](#)

وغضب قال اوفي شك انت يا ابن الخطاب انت بتشم حتى لاهل الدين. ازاي ؟ دي ليست بشيء اصلا. لما تفتكر زهد النبي عليه الصلاة والسلام ودي المعركة الاولى يا جماعة. عمرك ما هتقدر توصل لربنا من غير ما تقدر انك تكتشف جواك حياة الدنيا. طول ما الدنيا كبيرة جواك مش هتعرف - [00:29:52](#)

هتفضل تقوم وتقع. هتفضل تحاول وتفشل مش هتعرف تنطلق لربنا. طول ما الدنيا لها قدر جواك. عشان كده الله سبحانه وتعالى في سورة النازعات يقول والنازعات غرقا. والناشطات نشطا. الاول انزع - [00:30:16](#)

من قلبك. اغرق في نزعها بعد كده يجي لك النشاط في الدين بقى. ويجي لك الانطلاق في الدين. عمرك ما هتقدر تنشط وتنطلب طول ما الدنيا جواك عظيمة. طول ما احلام الدنيا جواك كبيرة. انت الدنيا دي لازم تبقى صفر جواك. واللي انت عايزه من الدنيا انت عايزه عشان دينك. او عشان دين - [00:30:29](#)

ربنا سبحانه وتعالى انما الدنيا لا تمسل بالنسبة لك شيء. يبقى اول معركة حقيقية هي معركة الزهد في الدنيا. احنا جايين هنا عشان

نتربى جايين في هذه الارض الطيبة جايين في طابا. بدأنا رحلتنا بطابة. ارض المدينة المنورة. مكة فيها حجر من الجنة. المدينة -

[00:30:49](#)

فيها قطعة كاملة من الجنة. طائل مكة فيها الحجر الاسود من الجنة. ولكن المدينة فيها الروضة المشرفة من الجنة. المدينة المنورة

يعني الارض التي خلق جسد النبي صلى الله عليه وسلم من ترابها. وخلق جسد ابو بكر وعمر من ترابها لانه ثبت - [00:31:09](#)

عن النبي صلى الله عليه وسلم ان كل انسان يدفن في الارض التي خلق من ترابها. فالنبي عليه الصلاة والسلام مخلوق من تراب المدينة. انت انت ماشي على الارض اللي هيبعث منها النبي عليه الصلاة والسلام وابو بكر وعمر. وعشر تلاف صحابي مدفونين في في

مقابر البقيع. انت ماشي في ارض الشفاء. كان اسمها ارض - [00:31:27](#)

الوباء قبل النبي عليه الصلاة والسلام. النبي بدعوة لربنا ربنا حول الوباء اللي اندمج فيفر اللي كانت جواه عارفين سرز وكورونا كان

فيه وباء متوطن جوة المدينة. اللي ييجي المدينة من برة يجي له حمى والتعب - [00:31:47](#)

التنفس والاعراض الرهيبة بقى بتاعة الامراض الوبائية ده ايه وبعد كده يموت. فكان مسمينها في الجزيرة العربية كلها ارض الوباء

انت متخيل بقى تقدر تهاجر الصين اليومين دول بلد عشان تقيم فيها دعوة الى الله الوقتي - [00:32:07](#)

النبي عليه الصلاة والسلام هاجر المدينة وهي اسمها ارض الوباء. الصحابة بيقلولوا هاجرنا الى المدينة. وهي اوباً ارض الله. اكرر بلد فيها وباء متوطن على وجه الارض طب والنبي واول ما راح ابو بكر قام نايم على طول في الارض. ابو بلال قام نام على طول في

الارض. بيموتوا. جا لهم الحمى بتاعة المدينة ومجموعة من - [00:32:21](#)

ده فيه واحد جه هاجر بس مش من مكة من من بلد تانية جا له الوباء بتاع المدينة قتل نفسه انت انت متخيل يعني ايه ؟ يعني يعني واحد واحد من الاعراب يعني سخن واتشجع كده. طب انا هاجر بقى في حاجة اسمها هجرة ونبي وفي المدينة. راح جا له الوباء -

[00:32:44](#)

نفسه يعني واضح يا جماعة احنا فاكربين ان انت ماشي دلوقتي في الشوارع المتسفلطة والفنادق المتكيفة والمسجد اللي معمول

تحفة فنية بعد ما كان النبي عليه الصلاة والسلام بيهتم بالانسان ما هو الوقت بيهتموا بالبنيان. انت ماشي دلوقتي في قصر

المدينة المنورة بقت قصر - [00:33:01](#)

ولكن المدينة دي ايام النبي كانت ارض موبوءة بلد فلاحين. آآ قرية فلاحين كلها ارض زراعية. وآآ متقسمة لسبع عزب في قرية

متكونة من سبع عزب آآ او سبع نجوع كل نجع يعيش فيه متين تلتमित بني ادم. وآآ وآآ وفيها يهود وفيها مصايب - [00:33:21](#)

والنبي ما فيش بديل. هيروح فين ؟ عليه الصلاة والسلام. هي دي البلد الوحيدة اللي رضا. انها تشيل الدين مع النبي عليه الصلاة

والسلام. تعمل ايه ؟ كنت هتهاجر مع النبي عليه الصلاة والسلام - [00:33:42](#)

دعوة لله نقل الله وباء المدينة الى خارجها وصارت طابة اي ارض الشفاء ارض الشفاء المدينة المنورة دي لا يدخلها الدجال. يعني اللي

عايشين في المدينة يا بختهم بس مش شبختهم في كل حاجة - [00:33:52](#)

لان النبي عليه الصلاة والسلام خطب الناس مرة فقال يوم الخلل حديس سابت عن النبي عليه الصلاة والسلام. فقال يوم الخلاص وما

يوم الخلاص ؟ يوم الخلاص وما يوم قل خلاص يوم الخلاص وما يوم الخلاص جعزو بالكلام قالوا يا رسول الله وما يوم

الخلاص يوم الخلاص يعني فيه مصيبة - [00:34:08](#)

حودة هتحصل في الارض ويوم الخلاص من المصيبة دي بقى. فقالوا يا رسول الله وما يوم الخلاص وخلص دنيوي ولا خلاص

اخروي. قصدك ايه يا حبيب الله فقال النبي صلى الله عليه وسلم يأتي الدجال الى المدينة يوم ما يجي الدجال بقى الدجال هيجي

بالجيوش بتاعته الدجال هيبقى سيطر على الكرة الارضية كلها - [00:34:31](#)

هيقعد اربعين يوم اول يوم بقدر اسبوع. ثاني يوم بقدر شهر. ثالث يوم بقدر سنة. تخيل كده وانت قاعد تتابع بقى التليفزيون وانت

شايف اوروبا كلها سجدت للدجال وامريكا كلها صلت للدجال. ومصر وليبيا وتونس وسوريا معزمها وفلسطين. والعراق - [00:34:51](#)

على العصر كانوا كلهم بيسبحوا بحمد الدجال الدجال هيجي يقول انا ربنا. الكرة الارضية كلها هتصلي له وتصوم له. حتى البلاد

الاسلامية. حتى فمصر حتى كل العالم الدجال هيكتسح العالم والعالم كله هيصلي للدجال ويصوم للدجال ما عدا تلت اماكن بس مكة
- 00:35:11

المدينة جبل الدخان في الشام اللي هيبقى فيه المهدي. المهدي بقى اللي هو هيقوم يجاهد الدجال. وشوية ناس كده هيلتفوا حواليه
وهيتحاصروا في جبل الدخان في الشام وهيبقى تلات اماكن متحصرة في الدجال عايز يخلص عليها عشان الكرة الارضية تبقى
خلصت. فيذهب الى المدينة فيصعد على جبل احد - 00:35:31

ييجي بقى من برة الميدالية كده يطلع ويقول لاتباعه انظروا هذا القصر الابيض هذا مسجد احمد. ده لازم يتهد. المسجد ده ثم يأتي
ليدخل المدينة فيجد على كل نقب من انقابها ملكا مسلطا. كل - 00:35:51
في فتحة من فتحات المدينة يلاقي ملايكة واقفة عليها بيعمل ايه ؟ فيقوم بقى ضارب الخيمة بتاعته برة المدينة ويقعد يستنى بقى.
الدجال طبعاً بقى والابواق الاعلامية واستسلموا وده ربكم جه - 00:36:11

كلوا وصوموا وانتم يعني ابعدوا عن غضب ربكم عشان لو غضب عليكم. شوفوا بقى ربنا بيتلى اهل المدينة في اللحظة دي بايه؟
يقول النبي صلى الله عليه وسلم فترجف ثلاث رجفات. يحصل تلات زلازل ورا بعض - 00:36:24
تلات زلازل ورا بعض مين اللي عملهم؟ الدجال ولا ربنا؟ ربنا الدجال واقف محاصر. قربنا بيتلي اهل المدينة بتلات زلازل. يا رب ده انا
عايز حاجة تسبنتني. بتبعت لي زلزال! ده ده كده كثير جدا هيظنوا - 00:36:41

دجال وربنا بجد فلا يبقى منافق ولا منافقة علامات الساعة والاحداس الرهيبة اللي جاية الامصاص هتنهار اللي دينه نص نص هيقع
على وشه. الا ان يشاء الله سبحانه وتعالى. الله بيرتب الدنيا الاحداس مش هينفع فيها غير اقوياء - 00:36:57
الدين اقوياء اليقين. اقوياء الثبات. ده لحظة. انت ممكن تكون في لحظة من اللحظات دي. هو انت تعرف مين يوم القيامة؟ النبي
كان كان تظن ان ابن صياد هو المسيح الدجال. يعني النبي كان يرى ان ممكن علامات الساعة الكبرى تحصل في عهده. عليه الصلاة
والسلام. هو انت تهتفهم اكثر من النبي عليه الصلاة والسلام؟ ممكن - 00:37:20

اي حاجة تحصل في اي لحظة. فترجف المدينة ثلاث رجفات. يحصل ثلاث زلازل طبعاً كل اللي في قلبه شك ولا ما فيش يقين هيجري
على الدجال. فالنبي عليه الصلاة والسلام يقول فلا يبقى منافق ولا منافقة - 00:37:40
ولا فاسق ولا فاسقة الا خرج اليه. ثلاث تربع ولا نص المدينة هيقوم خارج جري على الدجال. يبابعوه خلاص امنا يقول النبي صلى الله
عليه وسلم فتخلص المدينة ما يفضلش فيها غير الخالص - 00:37:57

يقول الحبيب عليه الصلاة والسلام فذلك يوم الخلاص هو ده اليوم اللي المسيح الدجال هيتكسر فيه. هو ده اليوم اللي ربنا هينزل
سيدنا عيسى على مسجد جبل الدخان مهدي ادن الصلاة وصلاة الفجر ولسه مستنيين الاقامة هو ده اليوم اللي هتبدأ شوكة المسيح
الدجال تتكسر فيه - 00:38:16

اما المتدينين يبقوا خلص لما الوضع بتاعنا ده ينصف. احنا الوقتي كلنا قاعدين ما حدش عارف. منكم من يريد الدنيا ومنكم من يريد
الآخرة. لما الصف ملتزم يبقى ملتزم بجد بتاع ربنا بجد عايش عشان رسالة الدين بجد ساعتها فذلك يوم الخلاص. طول ما الدنيا
مايعة في بعضها وطول ما - 00:38:42

ملتزمين آآ نص نص وسلسيه هيفضل الوضع اللي احنا فيه ده. وهيفضل البلاء اللي احنا فيه ده. عايز ربنا يعجل لك بالفرج. خلص
دينك لله. عايزة ربنا يعجل لك بالترقية في الدين. اخلصي دينك لله - 00:39:05

اخواني واحبابي في الله عشنا مع الصلاة على حبيب الله محمد عليه الصلاة والسلام. الذي يقول حبيب الله عليه الصلاة والسلام من
صلى علي من امتي مخلصاً من قلبه. وفي رواية من تلقاء نفسه. يعني فيه فرق انك بتصلي باللسان. وفيه فرق انك بتصلي بالجنان.
انك قلبك هو اللي بيصلي على النبي - 00:39:22

من تلقائي نفسي بقى عندك تلقائية لوحده وانت ماشي كده عليه الصلاة والسلام. عليه الصلاة والسلام. قلبك ملهوف عليه. هو يعني
هو النبي احسن ولا والدتك والدتك اللي ربنا توفي والدته لما توفاه الله قلبك اتشرخ قد ايه ؟ انت مش زعلان على النبي ازاى ؟ انت

مش بتحبه ازاى ؟ عليه الصلاة والسلام مخلصا من قلبه - [00:39:42](#)

صلى الله عليه بها عشرا. ورفعها بها عشر درجات. وكتب له بها عشر حسنات. ومحا عنه بها عشر سيئات. ايه ده ايه الجمال ده! اكثر حديس بيهزني عن الصلاة على النبي عليه الصلاة والسلام. الحديس الذي كان يعظمه شيخ الاسلام ابن تيمية. رؤيا شافها النبي عليه الصلاة والسلام. مروية عن عبدالرحمن بن سمرة - [00:40:02](#)

ورواه عن السعد ابن المسيب. الحديس ده كان بيعظمه شيخ الاسلام ابن تيمية. يقول النبي صلى الله عليه وسلم ورأيت اى في الرؤيا ورأيت رجلا يزحف على الصراط. واحد بيزحف يعني اترمى وقعد يزحف عينا هيقعوا فين؟ مصيبة - [00:40:24](#)

مصيبة ربنا يحفظنا يا رب ويحبو احيانا شوية بقى يجي فيه شوية صح كده يقوم ايه على ايديه ورجليه ويتعلق احيانا شوية هيقع يمسك في الصراط موقف رهيب. فجاءته صلاته علي فاقامته على قدميه. وانقذته - [00:40:41](#)

الله اكبر. الحديس ده انا باحسه ان هو ملخص حياتنا. احنا الراجل ده يا جماعة. بس احنا الراجل ده في الدنيا صراط الدنيا الصراط المستقيم طريق الدين احنا قاعدين نزحف في الطريق وبنحبش ساعات ده احسن احوالنا لما بتقول - [00:41:04](#)

يا سلام سلم! ده انا طرت في الدين! انت بتحبي! احنا مستوانا الديني حقيقة اعلى احواله حابه. واوسط احواله زحف واسوأ احواله تألق. قاعدين متعلقين خلاص في اشياية لو وقعنا هنسيب التدين اصلا خالص. فجاءته صلاة - [00:41:21](#)

علي اول ما تتواصل برسول الله صلى الله عليه وسلم فاقامته على قدميه. اللي هيقومك وهيقوم دينك الصلاة بالنبي عليه الصلاة والسلام قامته على قدميه وانقذت حبيب الله محمد عليه الصلاة والسلام. مدرسة الصلاة على رسول الله. عايزين ان شاء الله بازن الله اليومين اللي باقيين في المدينة ديت - [00:41:41](#)

ندمن الصلاة على النبي ونقعد نفتكر الكلام اللي قلته زهده. سباته قلبه نفسيته. كل دي معجزات. تربيته للصحابة. جهاده في والى الله جهاده في الغزوات. صبره على اليهود والنصارى والمنافقين. آآ زهده. اخلاقه. حاجات عبادته - [00:42:01](#)

وقيامه دعاء وتوسله وطلبه للمد من الله سبحانه وتعالى. اقعد افتكر على قد ما تقدر صفات النبي عليه الصلاة والسلام. وانت بتصلي عليه لازم قبل قبل ما نرجع بلدنا او قبل ما نروح لمكة ان شاء الله يكون فيه حاجة جوة قلوبنا اتزرعت تجاه حب النبي عليه الصلاة والسلام وتجاه ادمان الصلاة على النبي عليه - [00:42:21](#)

الصلاة والسلام عايزين ننام بقى ساعتين ولا حاجة. ان شاء الله عشان ننزل نقوم الليل مين اللي يقدر يقوم الليل بالصلاة على النبي عليه الصلاة والسلام. مين اللي يقدر يقعد جلسة الضحى بالصلاة - [00:42:43](#)

قال رسول الله صلى الله عليه وسلم - [00:42:53](#)